



13. april 2023

Aqqalu C. Jerimiassen

Inatsisartut Suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara.

Naalakkersuisunut apeqqut:

- 1. Qaqortumi innarluutillip naartulersimanera pillugu pinerluttuliortoqarsimanerup kingorna nuna tamakkerlugu Naalakkersuisup unnuarsiortut marluulernissaannik sukateraluni piumasaqaateqarnera inatsit suut toqqammavigalugit aalajangiiva?**
- 2. Qaqortumi pinerluuteqartoqarnerata kingorna Naalakkersuisoqarfimmiit ulloq unnuarlu angerlarsimaffiit ilaannut piumasaqaatit nutaat pillugit ersarissaalluni allagaqartoqarpoq. Kalaallisoortaani allaqqalluni piumasaqaatit nutaat sullissisunut tamanut atuutissasoq, qallunaatoortaanilu allaqqalluni taamaallaat Namminersorlutik oqartussat nammineq ingerlataannut atuutissasoq.**
 - a. Kalaallisut allaqqasoq immaqaluunniit qallunaatumik allaqqasoq atorneqassava?**
 - b. Imatut paasineqassava namminersorlutik ingerlatsisut nammineq aalajangersinnaagaat marlunnik unnuarsiortoqartitserusunnerlutik?**
 - c. Kommunit naluuarutigereerneqarsimava piumasaqaatit kikkunnut atuunnersut?**
- 3. Naalakkersuisumut § 37 naapertorlugu apeqquteqaammi nr. 212-2022-meersumi Naalakkersuisoq akissuteqarpoq sulisut amerlinissaat, aningaasartuutissallu qaffannissaat pillugu Kommunit isumaqatiginninniarfigineqarumaartut, sulilu qaqugu pissanersoq ilisimaneqarani. Ullumikkut akit tungaatigut isumaqatiginninniartoqareersimanerluni?**
 - a. Taamaangippat qaqugu pissava?**
 - b. Aningaasartuutissanut missingersuuteqartussaaitaanermut piumasaqaateqartoqarmat, ingerlaannarlu atuutilertumik Naalakkersuisup marlunnik unnuarsiortoqartussaananeramik aalajangiinerata kingorna aningaasartuutaasimasunik matussusiinissamut ilanngullugu isumaqatigiittoqarsimanerluni?**

(Inatsisartuni ilaasortaq Aqqalu C. Jerimiassen, Atassut.



Tungavilersuut

Qaqortumi alianarluinnartumik pisoqarnerata kingorna Naalackersuisoq suaaruteqarpoq ulloq taanna atuutilersumik ulloq unnuarlu angerlarsimaffiusuni tamani unnuarsiortut marluusalissasut. Pinerluuteqartoqarmallu nunatsinni sullissisut tamavimmik eqqugaasutut isikkoqaleraluartut, massakut paasissutissat assigiinngitsut imminnullu assortuuttut takkussuutileqqammata paaserusupparput paasissutissiinerit sorliit ilumoornerisut. Ingerlatsisunullu allannguutit aningaasarpassuarnik naleqarmata aamma paaserusunnarpoq qanoq pilersaartoqarnerisq.